



Шочмо эл, порылык да чын верч!

Будь готов!

30-шо (3574) №,
2022 ий 29 июль,
кугарня.



1933 ий 1 февраль годсек лектеш.

0+

Йолташет уло – арале



Авторын фотожо.

30 июль –
Келшымашын
тўнямбал
кечыже.

ПОДПИСКЕ

Пагалыме лудшына-влак,
«Ямде лий» газетлан кажне
тылзын 15 числа марте
возалташ вашкыза:

верласе связь отделени-
йыште (почто);

podpiska.pochta.ru сай-
тыште але «Почта России»
мобильный приложений
гоч.

Индекс – П4696.

Йоча-влак, нине ўдыр-рвезе-шамычым мо иктыш уша? Келшымаш тўня! Тушко пенгыде ошкылым кажне ыштен кертеш. Но шкетын огыл, йолташ дене пырля. Морко район Кугу Шале ялыште илыше Юля ден Дима, тукым шўжарышт Аня, Йошкар-Ола гыч Артём йолташышт юзо тўнян вийжым изинек шижын кушкыт. Эсогыл нунын фамилийыштат икгай – Ивановмыт улыт. Артём, школыш кайымешкыже, ялыште илен. Олашке тунемаш куснымыжо келшымашлан чаракым ыштен огыл. Тудо коваж деке чўчкыдын унала коштеш. Каникул годым ўдыр-рвезе-влак пырля модыт, велосипед дене кудалыштыт (снимкыште), пўртўс лонгаш лектыт.

– Койыш-шоктышна тўрлў гынат, кеч-кунам ик ойыш шуаш тыршена. Ме вашла полшаш ямде улына. Йоча годсо йолташ эн лишыл, маныт. Ме ончыкыжымат келшаш тўналына, – ойлат ўдыр-рвезе-влак.

Е.ИВАНОВА.



«Узоры» – ИКЫМШЕ

17-23 июльышто Абхазийысе Сухум олаште «Алтын Майдан-Абхазия» тўнямбал фестиваль эртаралтын. Участник-влак муреныт, куштеныт, тўрлў семўзгар дене шоктеныт, сўретленит, кидпашам ыштеныт. Марий Эл гыч Йошкар-Оласе Бауман лицей пеленысе «Лира» сымыктыш школын «Узоры» мурышо да куштышо йоча

образцовый ансамблын изирак группыжо (снимкыште) миен. Вуйлатыше – А.С.Речкина. Ёдыр-рвезе-влак мари такмакым муреныт, совла дене шоктеныт, мари куштымашым ончыктеныт. «Фольклор ансамбль» тагасыште сегышыш лектыныт. Шокшын саламлена!

Х.АЛЕКСАНДРОВА ямдылен.
Фотом еш архив гыч налме.

1 август – Икымше тўнямбал сарыште вуйым пыштыше российский сарзе-влакым шарныме кече. 1914 ий 1 августышто Германия Россий вайтареш сарым тўжалын.

Историйым шергалына

1572 ий 2 августышто Михаил Воротинский ден Дмитрий Хворостинин вуйлатыме руш войска Молоди села воктене татар войскам кырен шалатен.



Фотом еш архив гыч налме.

Юл серыште – мотор полат

Тений Юрино посёлкысо Шереметев замокыш миен толаш пиал шыргыжалын (снимкыште). Тудо Юл серыште верланен. Икымше туныктышына Светлана Михайловна тушко каяш таратен. Замок нерген паленам, но шке ужаш, эртыме корныж дене палыме лияш кумыл эре лийын. Мемнам поро шинчаончалтышан экскурсовод вайлийын. Тудо Шереметевмыт, нунын арверышт нерген шуко онгайым каласкален. Ик пўлемыште мари сўретче Иван Ямбердовын сўретше-влакым ужаш куанле лийын. Мўнгў толшыла, Женское ер дек шогалынна. Вершўрна могай мотор да поян улмаш.

Эрвин МОРОЗОВ.

Параньга, Матародо.

Российысе увер

Тўрлў предметым туныктышо-влак «Классная тема» телешоушто мастарлыкыштым ончыктен кертыт. Йодмашым да пашам «ВКонтакте» соцкылысе «Телешоу Классная тема» приложенийыш 10 август марте колтыман.

Москосо Сегымаш тоштер 7-17 ияш ёдыр-рвезе-влакым «Мой верный друг» всероссийский конкурсыш ушнаш ёжеш. Ныл йолан йолташ нерген ойлы-машым возыман да 14 август марте колтыман. Тўрыс уверым victorymuseum.ru сайтыште ончыман.

Ёдыр-рвезе-влак, те повестымым, романым, ойлы-машым возеда? Произведениям тўрлў вере савыктеныт? Тугеже «Душа природы» сылнымут премийым налын кертыда. Тўрыс увер – vsekonkursy.ru сайтыште.

Марий Элысе увер

6 августышто Йошкар-Ола 438 ийым тема. Ты кече мероприятий ден концерт-влаклан поян лиеш. Калык кочкыш фестиваль эртаралтеш. Пайремыш тўрлў кундем гыч уна-влак толыт.

«История местного самоуправления моего края» всероссийский конкурсым иктешленыт. Козьмодемьянск оласе «Дарование» школ-интернатын тунемшыже Анна Ростовцева «Лидеры местного самоуправления» тагасыште кокымшо верыш лектын.

Йошкар-Оласе Бауман лицейын тунемшыже Маргарита Жирова «Ледокол открытий» лу кечаш экспедицийыш каен. Участник-влак Франц-Иосифын Мландышкыже шогалыныт, Арктикын пўртўсшў дене палыме лийыныт да шуко онгайым пален налыныт.

«Пурла» сүретлымаш

Вуйдорыкын шола полушарийже логикылан, түрлө уверым влончылымашлан, ойым тергымашлан, датым, лүмым, түрлө фактым шарнен кодмашлан вуйын шога, пурла полушарий – шижын моштымашлан, түрлым шонен лукмылан, проблемым тичмаш умылымашлан. Те вуйдорыкын пурла полушарийже дене сүретлымаш нерген колында? Тыгай йоным Звенигово район Сүзлэнгер школышто рисованийым тунуктышо Н.В.Михеева урокышто кучылтеш (снимкыште).

– Наталья Владимировна, тиде сүретлымаш мо дене ойырте малтеш?

– Тыгодым чон дене пашам ыштыман. Мутлан, пörтым сүретлаш күлеш. Вуйдорыкын шола полушарийже пörтым квадрат, треугольник, цилиндр гыч сүретла. Пурла полушарий дене «илыше» пörт лектеш. Кажне йоча иксемын моторын сүретлен огеш керт. Кумылжо вола, ұшанже йомеш. Садлан уроклаште тиде йоным кучылтам. Тунемшем-влак «мый ом мошто, моторын огеш лек» манын огыт лүд. Нуно палат: сүретышт садак эн чапле да ойырте малтше.

Тыште тўнжō – усталык. Йоча мом уужеш, тудым сүретла.

– Вуйдорыкын пурла полушарийже дене сүретлымашын пайдаже могай?

– Тудо тўняумылымашым вианда. Йоча мом ужмыжым писын шарнен кодаш тўна-



леш. Шонен лукмашлан эрык пуалтеш. Икшыве шкенжым аклаш тунемеш, проблемевлак нерген монда.

– Тиде йон дене пайдаланен, профессионал семын сүретлаш тунемаш тўрлō

упражнений уло. Иктыж дене палдарыза.

– Шуко контуран сүретым налза. Мутлан, карандаш дене айдемым сүретлымым. Тудым унчыливуа пыштыза. Кажне корным чылт сүретысе семын корыза. Эн ончыч кўжгырак корным ойырен ида сүретле. Кушеч тўналында, тудым умбакыже шуйыза. Моло корновлак шинчалан ынышт перне

манын, лаштык дене петыраш лиеш. Кажне линий тичмаш сүретын ужашыже манын умылен сүретлыман.

Х.АЛЕКСАНДРОВА
мутланен.

Фотом школ архив гыч налме.

Пидаш тунукта



Фотом еш архив гыч налме.

У Торъял школын 8-ше классшым тунем пытарыше Маша Домрачевам (снимкыште) уста кидмастар манап лиеш. Тудо крючок дене түрлō модышым пидеш. Шүртō гыч шочшо кайык ден янык-влак дене йолташыже-шамычым, родо-тукымжым куандара. Маша У Торъял посёлкысо книгагудышто мастер-классым шукерте огыл эртараш тўналын.

– Шым ияш улмем годым ковам пидаш тунуктен. Узорым шарнен кодмеке, модышым пидаш тўналынам. Кызыт суртыштем

единорог, слон, маска, меран да молат илат, – ойла чолга ўдыр. – Книгагудо пашаен Алевтина Анатольевна Кочакова библиотекеште йоча-влакым тунукташ темлен. Мый шуко шоныде келшенам. Кумылан-влак ятырын улът.

Е.ИВАНОВА.

Балалайке – йолташем

Мыланем марий муро келша. Тудым шер теммешке да мутым шарнен кодмешке колыштам. Мурым умылаш тунемаш манын, Морко посёлкысо йоча сымыктыш школышко балалайке дене шокташ коштам. Мемнам Анастасия Станиславовна Торопова тунукта. Тудо пеш поро кумылан да уста тунуктышо. Мыланем «Во поле берёза стояла» мурым шокташ келша. Балалайке – поро йолташем.

Алина СУББОТИНА.

2-шо №-ан Морко школ.

Йōратем, кō тўняште усталыкше дене

Тўриша тыныслык верчын эре.

Г.ОЯР.





Капкылнам шуарена

Ялна воктене пўя уло. Йолташ-влак дене кутырен келшен, тушко йўштылаш чўчкыдын коштына. Пеленна кугыенгымат налаш огына мондо. Кайыме годым тўрлө нерген кутырена. Вўд пеш яндар, садлан тушеч лекме ок шу. Йўштылмаш тазалыкым пеггыдемда, маныт. Кенез каникул жапыште капкылнам шуарынена.

Илья ВИШНЯКОВ.
Морко, Коркатово.

Тўрлө тўсан кенез

Модо - чодыра родо

Эрдене эрак кынелын, модым погаш каяш тарванышна. Чодырашке машина дене кудалын пуррышна веле, тунамак кугу лакеш пижна. Шўкен-шўкен лавырген пытышна. Орава йымаке укшым опытышна. «Лөдө» гыч пыкше лекна. Модо верым писын верештна. Шартышла веле коеш. Тудо тутло деч тутло. А умшана кандеканде. Кайык-влакын сылнын мурымыштым тўткын колышт, ведрамын теммыжымат шижын шым шукто (снимкыште). Модо – тиде чодыра родо. Эшежым тудо пеш пайдале. Йоча-влак, теат пўртўс лонгашке вашкыза.

Всеволод НИКИТИН.
Кужэгер, Шўдымарий.



Фотом еш архив гыч налме.



«Сонарзе ден лудо»

Кече сай гын, шольым дене коктын урем гыч огына пуро. Мече почеш куржталын, вашла поктылын, шылын модына. «Сонарзе ден лудо» модыш мыланна утларак келша. Снимкыште сонарзе шольым ужыда. Кок ег сонарзе улыт. Молышт – лудовлак. Сонарзе-шамыч лудым мече дене кучаш тыршат. Логалше модмаш гыч коранеш. Эн писе да чолган модшо сенышыш лектеш.

Аня ВИНОГорова.
Звенигово, Кожласола.

Изи озавате

«Чеве́р смузи»



Шокшо кенез кечын тўрлө емыж-саска гыч смузим куштылгын да писын ышташ лиш.

Тидлан кўлит: 300 миллилитр шөр, 100 грамм мөр, 50 грамм модо, 20 грамм мўй.

Емыж-саскам сайын мушса. Мөрым, модым варен, шөр ден мўйым ешарыза. Шөр юалге лиш гын, сайрак. Чыла тидым кок минут наре блендер дене тыгыдемдыза. Тутло смузи ямде. Перкан лийже!

Палаш онай

- ➔ Олыкмөр гемоглобиним кўзыкта.
- ➔ Шокшо игечыште йўмө шумым пытара.
- ➔ Шудыжо кылмыме годым пайдале. Тушто С витамин шуко.

Шаршудо чумырга гын, ояр лиш.

Кас ўжара йошкарге гын, мардеж кынелеш.

Пўгыльмө умшам кара – оярым вучо.

Калык пале-влак.



Ах, тутло!


Мый кенез пагытым моткоч вученам. Тўрлө емыж-саскам авам дене пырля погаш йөрәтена. Олыкмөрлан шукерте огыл миенна. Кужу шудо да сылне пеледыш коклаште мөржө мыняр?! Кугу ведрам кузе темена манын, йөршын ышна тургыжлане. Кумыл веле лийже. Коло литрым кўчык жапыште погышна (снимкыште). Мөнгө толмеке, вареньым да компотым ямдылышна. Ах, могай тутло!

Полина ВАСЕНКИНА.
Волжский, Чодыраял.



Фотом еш архив гыч налме.

Көгөрчен черым шара



Икте көгөрченым тыныс илышым ончыктышо кайыкклан шотла гын, весе тудым оешат шеклане. Көгөрчен-влак пытаргыш жапыште шкеныштым озала кучаш тўнгальныт. Нунын чотышт ий гыч ийыш кугемеш. Ола урем дене эртен кайыме годым айдеме воктек лўдде чонештен толыт. Тыгай сўрет ялыштат вашлиялтеш. Амалже раш.

Ен-влак көгөрченлан кочкышым пуат, южышт кид гыч пукшаш ямде улыт. Тыге ышташ лишеш мо? Ала көгөрчен-влак тазалыкклан энгекеым конден кертыт? Нине йодыш-влакклан Йошкар-Оласе ик ветеринар рўдерыште пашам ыштыше Виктор Алексеевич Жеглов (снимкыште) вашмутым пуат:

— Көгөрчен-влак индешле наре черым шаркалышылан шотлалтыт. Икмынъярже айдеме дек куснен кертеш. Тыгак кайыкшамыч тиян, шушан лийыт. Чаманен каласыман, көгөрчен тўшкам пукшы-

мо годым шагал ен тидын нерген шоналта. Нуным кучаш, ниялташ ок лий. Кид гыч пукшыман огыл. Черлын койшо кайык воктек мияш лўдыкшў. Нуно сальмонеллўз, туберкулўз, орнитоз, хламидиоз да моло черан лийын кертыт. Эн лўдыкшылан орнитоз ден сальмонеллўз шотлалтыт. Орнитоз юж дене шарла. Черланьыме годым вий пыта, температур кўза. Сальмонеллўз пагарлан да шольлан энгекеым ышта.



Сандене, урем гыч пурьемеке, кидым сайын мушман. Нине ой-какаш-влакым шотыш налыда гын, таза лийыда.

Е.ИВАНОВА.

Ушкал шортеш

Ковамын Зорька лўман ушкалже лийын. Шўр-торык гыч тамле кочкышым ыштен, мемнам эре сийлен. Тазалыкше начареммылан кўра ушкалым ужалаш логалын. Налше-влакын толмекышт, Зорька машинаш кўзаш тореш лийын. Эсогыл шинчавўдшў йоген. Тидым ужын, мыйынат кумылем тодылалтын. Вольыкат ушан. Ик оза деке тунеммеке, вес ен деке кайымыже ок шу.

Даша ИВАНОВА.
Звенигово, 2-шо №-ан
Красногорский школ.

Презын
ўмылкажым
муза.



Тыге чучеш, пуйто шонанпылыште йўштылын лектын.

Попугай акамым эн чот йўрата. Акам кажне каныш кечын тудым пўртыштў чонештылыккта. Гоша кузе йывырта! Кидышке, вачўмбака шинчеш. Иктаж-мом возыдем але сўретлыдем годым карандаш, ручка дене модеш. Южгунам ўчим шукта: умшашке ручкам налеш, ўстел тўрыш кая да кўварвак кудалта. Тунам Гошам кидышкем налам да акам дек нангаем.

Кужэнгер, Шўдымарий.

Аня НИКИФОРОВА.

Ушан пырысем

Мыйын ныл йолан йолташем уло. Тудлан Киса лўмым пуэнам. Пырысем кум тўсан: сур, шеме да кўрен. Шинчаже ужарге-ужарге, нўргў шудыла веле коеш. А могай ушан! Школыш кайыдем годым ужатен колта. Пўртылмў жапымат пуйто пала: капка ончыко лектын шинчеш. Мый тудым тамле кочкыш дене сийлаш тыршем. Киса воктекем толеш да шўргыжым мушкеш. Тыге таушта, шонем.

Юля ЯГОДАРОВА.
Советский, Кельмаксола.

Фотом еш архив гыч налме.



Палаш онай

Мейн-кун урлык пырыс-влак ияш йўратат. XIX курым тўнгальтыште нуно корабльыште коля ден куголям кученыт.



Йолташем

Мыйын уло пырысем,
Тудым пешак йўратем.
Чўчкыдын ойлем: «Йолташ,
Тол-ян вашкерак кочкаш».

Тутло шўрым темалтем,
Шылым южгунам пукшем.
Мый ом вурсо: «Йолагай».
Колямат куча могай!

Олеся ПЕТРОВА.
Морко, Коркатово.

Онай Гоша

Суртыштына Гоша лўман онай попугай ила. Пыстылже-влак могай сўрал улыт.



Кок тукым

Ансамбльыште – кок тўшка: иктыже кушта, весыже мура. Кушташ Карлыган школын кугурак класслаштыже тунемше-влак коштыт. Кугу Карлыган ялысе тўвыра пўртыштў пашам ыштыше-шамыч калыкым сълне мурышт дене куандарат. Ансамбльыште паша идалык мучко шолеш.

– *Ме арнялан кум гана ваи-лийына. Ансамбльыште самырык ден илалше-влак пашам келшен ыштит. Чама-нен каласаш логалеш, кугурак ийготан-шамыч ий гыч ийыш шагалемьт. Фольклор поянлык дене мемнам палдарен кодымыштлан да тудым чонышко моштен шындарымыштлан кугу таум ойлена. Мунло ойыштым, сълнын муралтен, кушталтен колтымыштым шарналтен, меат нунын гай уста лияш тыршена, –* ойла Мария Аркадьевна.

Кугезын йўлажым шарнат

Ансамбльыш коштышо-влак фольклорым шымлаш кумылан улыт. Иктаж-могай йўлам, пырчын-пырчын поген, икте-весе дене канашен, калык ончыко аклаш луктыт. Тошто одо сўан, салтак радамыш ужатыме, у пўртыш илаш пуримо йўла-влакым да тўрлў пайремым модын ончыклат. Нунын концертышкышт кает гын, «Акашка» (Кугече), «Пўрт-маськон» (Рошто), «Вой» (Ўярня) да моло пайрем-влакым ужаш лиеш.

Одо Рошто 7 январьыште тўналеш. Марий йўла дене тагастараш гын, тыгаяк Васлий кува ден

Кече лекме верыште – «Зардон»



Марий Турек район Кугу Карлыган ялыште марий, руш, одо, татар калык-влак келшен, икте-весын тўвыраштым, йўлаштым жаплен илат. Нуным «Зардон» (Ўжара) одо калык фольклор ансамбль иктеш ушен. Тудым 1975 ийыште В.Н.Алексеев чумырен.

Тачысе кечын «Зардон» ансамбль – калык мурым, куштымашым, йўлам шымлыше да калыкым палдарыше шкешотан мастаргудо, самырык-влакым куштышо коллектив. Ансамбльын кызытсе художественный вуйлатышыже, Марий Эл Республикысе тўвыран сулло пашаенже М.А.Главатских коллективым виандымашке кугу надырым пыштен.

Васлий кугыза-влак пўрт еда коштыт. Нуным одо калык «вожо» манеш. Пўрѐн-шамыч куымо ўдырамаш тувырым але йытын юбкым чият. Ўстембал-шовычым вуй йыр пўтырат, вачышке шепкам сакалат. Чурийым ош тўсан куэм дене петырат. Ужгам савырен чиен, маскала койыт. Ик ужгам – йолыш, весым – кидыш. Кыдалышке шинчырым кылдат. Упшымыш упшалыт да чурийыш шўчымыш йыгат. Маскам шинчыр дене шупшыш коштытат. Суртышко пурьмеке,

йўкым вашталташ тыршен мурат, кушташ, выныкым кўрышт кышкат. Озавате нуным тамлын пукшен-йўкта. Киндым, перепечым да моло кочкышым пуэн колта. Вожо-влак, тудым суртвольыкклан пукшен, тазалыкым йодыт.

Кутко наре сенгымаш

«Зардон» ансамбль Марий Турек районнын визитный картычкыжлан шотлалтеш. Ик пайрема, ик конкурс ден фестивалыт нунын деч посна огыт эрте.



Фотом ансамбльын архивше гыч налме.

оза-влакым шучко йўкшў дене лўдыкта. Тудым пуйто лыплан-дараш тыршат: «Мишка, ок лий! Мишка, ок лий!» Тыгак имным, ушкалым ончыклат. Ўдырамаш-шамыч пўрѐн вургемым чият. Южышт кочала койыт. Пондашлан кўляшым пижыклат, тулвондым кучат, тошто вургемышке выныкым пижыклат.

Вожо-влак ял уремым шергылтарен коштыт. Пўрт луклам тоя дене кырат. Самырык-шамыч пуйто сўаным ончыклат. Суртышко эн ончыч ик ен пурен йодеш: «Сўаным огыда нурто?» Пўртышкў пурьмеке,

Сенгымашыштым шотлен от пытаре – кутко наре. «Алтын Майдан» тўнямбал фестивалыште мастарлыкыштым ий еда ончыклат да сенгышыш лектыт. Теният лауреат лўмым суленыт. Тыгак «Бускельёсын пумиськон» (пошкудо-влак дене вашлиймаш), «Тукымвож йонгалтыш», «Танцуй, финно-угрия» фестивалылашке ушненыт да ончылно лийыныт. А мыняр мероприятий ден акций?! Калык нуным чыла вере шокшын вашлиеш.

Х.АЛЕКСАНДРОВА.



Электротулым аныклыза

Электротул нерген йоча-влаккан модыш гоч палдараш лиш.

Икмыняр ўштым вашла кылдыза. Йоча-влакым онгыш шогалтыза да ўштым кучыктыза. Тиде элек-

тровоштыр лиш.

Ўдыр-

рвезе-

влак вош-

тырым рў-

зат да

тыге

ойлат:



Пале тидым тый, йолташ: ток энергийым конда.

– Воштыр дене

мо куржеш?

Тулжо пörтыштö кушеч?

Телевизор, холодильник,

пылесос, утюг, молат –

Чыланат пашам ыштат.

Озаңыш – унала

Ик сылне кенжеж кечын ешна дене Озан оласе «Ривьера» аквапаркыш миенна. Тудо пеш кугу да мотор. Кажне ең шкаланже келшыше аттракционым муэш. Мыланем күкшö курык гыч мунчалтен волаш моткоч келшен. Изишак лүдыкшö лийын гынат, чонышто кугу куан озаланен. Тушто тыгак кава йымалне улшо бассейн уло. Мыняр мотор фотом ыштенам (снимкыште)! Йолташем-влакканат тушко миен толаш темлем.



Фотом еш архив гыч налме.

Морко, Коркатово.

Полина АЛЕКСЕЕВА.

31 июль – Военно-Морской Флотын кечыже.

Кок йолташем

«Шүдö тенгет ынже лий, шүдö йолташет лийже», – ойлат руш-влак. Тиде ой дене мыят келшем. Тыгай ең деч посна илаш куштылго огыл. Мыйынат ўшанле йолташ ўдырем-влак улыт – Милена ден Даша. Ме пырля модаш йöратена. Велосипед дене куда-лыштына, скаалке дене тöрштылына, мече почеш куржталына. Кертмына семын вашла полпаш тыршена.

Лиза КИТКАЕВА.

Шернур, Кукнур.

– Миша, сöснагыла веле коят.

Кушан лавырген пытышыч?

– Авай, мый вет мланде

дек лишкырак улам, –

вашешта вич иаш

рвезе.



Сүретым чиялтыза.

Военно-Морской

Флотын кечыже

сүрем тылзын пытар-тыш рушарнянже ий еда пайремлалтеш.



«Ямде лий» газет
Түң редактор олмеш
Х.Г.АЛЕКСАНДРОВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаккан)
Сайтын адресше: yamdelii.rf

УЧРЕДИТЕЛЬ-ВЛАК: Мари-Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште пöгымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт түрлө лийын кертыт. Серыш-влак мөңгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пöрт.
Тел. 8(8362) 45-22-82(факс)

Конкурс



Костя ШЕХУРДИН.
Шернур,
Кукнур Купсола.



Марианна СУАРМЕТОВА —
коваж дене.
Татарстан, Актаныш, Йүштө Памаш.



Роман ВЯЗОВ.
Параньга,
Кугу Пумарий.

Йўлам арале —
тўвырам
пойдаре

Ўдыр-рвезе-влак, емыж-саска-шамычын
лўмыштым паледа! Сўрет-влакым ончен,
лўмышт дене ушыза.



Пуншоптыр



Йошкар-шоптыр



Эгыж



Снеге

Пөчыж



Шемшоптыр



Модо



Чоҗеш-тылше
пеледыш эре
пеледышыште
шинча.

Тушто-влак

Куд
йолан,
кок почан.

Ош пöртеш
шочеш,
шел
ялыште
ила.



Чоҗеш-тылше
пеледыш эре
пеледышыште
шинча.


Марий Элысе ер-влак:



Зрыв
Эн



Яльчик
Эн



Нужьер
Эн

В.СМИРНОВ ямдылен.

Ер вўд эрдене шемын коеш — йўрлан.
Калык пале.

Интернетысе сўрет-влакым кучылтмо.

Задаче

207

числа 828 деч
мыняр пачаш
изи?

Мерагигылан
кешыр дек
корным
муаш
полшыза.

